

## **Forskrift om rett til langtidsopphald i sjukeheim – kriteriar for tildeling og venteliste, Fyresdal kommune, Telemark**

**Heimel:** Fastsett av Fyresdal kommunestyre *dato* med heimel i lov 24. juni 2011 nr. 30 om kommunale helse- og omsorgstjenester m.m. (helse- og omsorgstjenesteloven) § 3-2a.

### **§ 1. Føremål**

Føremålet med forskrifta er å få oversyn over pasientar og brukarar med behov for langtidsopphald, og bidra til forutsigbarheit og openheit kring kriteriar og tildelingsprosess for langtidsopphald i sjukeheim i Fyresdal kommune.

### **§ 2. Verkeområde**

Forskrifta gjeld pasientar eller brukarar som har rett til langtidsopphald i sjukeheim i Fyresdal kommune etter pasient- og brukerrettighetsloven § 2-1e.

Forskrifta gjeld Fyresdal kommunes ansvar for å tilby langtidsopphald i sjukeheim etter helse- og omsorgstjenesteloven § 3-2a, kriteria for tildeling av opphald i sjukeheim og oppfølging av pasientar og brukarar på venteliste for langtidsopphald.

### **§ 3. Definisjonar**

*Langtidsopphald i sjukeheim:*

Langtidsopphald i sjukeheim er opphald utan sluttdato eller tidsubegrensa opphald, der pasienten eller brukarens sin helsetilstand og behov for helse- og omsorgstjenester gjer at det ikkje er sannsynleg at vedkommande vil flytte heim eller få tilbod om lågare grad av helse- og omsorgstjenester.

*Venteliste langtidsopphald i sjukeheim:*

Ventelista er kommunens oversikt over pasientar og brukarar som har fått vedtak om at dei er best tent med langtidsopphald, men som med forsvarleg hjelp kan bu heime i påvente av langtidsopphald. Ventelista er ikkje eit køsystem, og plass på ventelista gir ikkje fortrinnsrett til ledig plass på sjukeheim, jf. § 7.

### **§ 4. Grunnlag for vurdering og tildeling av langtidsopphald i sjukeheim**

Langtidsopphald i sjukeheim er eit høgare omsorgsnivå enn helse- og omsorgstjenester i heimen.

Kommunen skal samhandle med pasientar og brukarar, deira pårørande og verje i tildelingsprosessen, jf. pasient- og brukerrettighetsloven § 3-1.

Fyresdal kommune nyttar beste effektive omsorgsnivå (BEON) som prinsipp ved tildeling av tenester og tiltak i omsorgstrappa. Omsorgstrappa har tenester på ulike nivå der aukande behov for hjelp vert møtt med aukande og meir omfattande tenestetilbod av ulik art. Tenester på lågare nivå skal som hovudregel vere forsøkt før tildeling av langtidsplass i sjukeheim.

Før ein søknad om langtidsopphald i sjukeheim kan vurderast, må følgande forhold utredast om pasienten eller brukaren



- pleie- og omsorgsbehovet
- søkars eige ynskje om langtidsopphold
- svikt i eigenomsorg på grunn av demens
- andre relevante tiltak som: tilrettelegging i heimen, f.eks. hjelpemidlar, tryggleiksskapande tiltak; tryggleiksalarm og velferdsteknologi, dagtilbod eller andre sosiale støttetiltak, auke omfang heimetenester, omsorgsbustad med heimetenester, tidsavgrensa opphald i institusjon, korttids- eller rulleringsopphold, familie- og sosiale forhold og nettverk, oppdatert pasient- og brukarinformasjon frå kommunens helse- og omsorgsteneste som yter tenester til søker, oppdaterte helseopplysningar frå fastlege og spesialisthelseteneste.

## **§ 5. Kriteria for tildeling av langtidsopphald i sjukeheim**

For å bli tildela langtidsopphald må pasient eller brukar vere varig ute av stand til å ta vare på seg sjølve og ikkje lenger meistre dagleglivets krav på grunn av mentalt eller fysisk funksjonstap.

Pasient eller brukar må ha eit omfattande behov for helse- og omsorgstenester og ikkje kunne få dekkja sine daglege behov på ein forsvarleg måte ved andre tenester i eigen heim.

Langtidsopphald i sjukeheim skal tildelast når ein tverrfagleg utredning og en heilheitsvurdering viser at opphald i sjukeheim er helt naudsynt for å sikre pasienten eller brukaren forsvarlege helse- og omsorgstenester.

Under kriteriet «omfattande behov», vert det gjort ein total vurdering av funksjonsnivået og eigenomsorga til pasient og brukar, m.a. i høve til:

- samansett sjukdomsbilete
- kognitiv svikt / langtkomen demens
- ernæring
- legemiddelhandtering
- fallrisiko
- hyppige innleggingar i spesialisthelsetenesta (sjukehus)
- psykisk helse
- vesentleg svikt i eigenomsorg.

## **§ 6. Rett til vedtak**

Kommunen skal fatte vedtak om innvilging eller avslag på søknad om langtidsopphald i sjukeheim.

I vedtak om avslag på langtidsopphald i sjukeheim skal det gå fram om kommunen vurderar at pasienten eller brukaren er best tent med langtidsopphald, og om vedkommande i påvente av langtidsopphald kan få naudsynte helse- og omsorgstenester på et forsvarleg nivå i eigen heim.

Vedtaket skal opplyse om pasienten eller brukaren vil bli oppført på kommunens venteliste for langtidsopphald i sjukeheim, jf. § 7.

Pasient og brukar har rett til å klage over vedtak om avslag på langtidsopphald i sjukeheim og oppføring på venteliste for langtidsopphald, jf. pasient- og brukerrettighetsloven § 2-7 andre ledd og § 7-2.

## **§ 7. Venteliste**

Kommunen skal føre venteliste over pasientar og brukarar som vil vere best tent med langtidsopphald i sjukeheim, men som har fått vedtak om avslag på langtidsopphold, jf. § 6.



Ved kvar tildeling av langtidsopphald i sjukeheim skal kommunen vurdere det individuelle behovet til nye søkjarar og behovet til alle som er oppført på kommunens venteliste.

Pasient eller brukar som er oppført på kommunens venteliste for langtidsopphald, har ikkje fortrinnsrett til langtidsopphald i sjukeheim. Seinare oppførte pasientar og brukarar vil kunne få tildelt langtidsopphold før tidlegare oppførte på ventelista om deira behov vurderast som større.

Tenestekontoret har ansvar for å halde oversyn over personar som ventar på langtidsplass.

## **§ 8. Tiltak i ventetid på langtidsopphald i sjukeheim**

Pasientar og brukarar som står på kommunens venteliste for langtidsopphald, skal kontinuerleg vurderast når det gjelder deira behov for langtidsopphald i sjukeheim.

Kommunens rutinar skal sørge for at pasientar og brukarar på ventelista har naudsynte og forsvarlege helse- og omsorgstenester mens dei ventar på tildeling av langtidsopphald i sjukeheim.

Kommunen skal systematisk og fortløpande evaluere og vurdere helsetilstanden og funksjonsnivået til pasientar og brukarar på ventelista for å fange opp eventuelle endringar i bistandsbehov.

## **§ 9. Ikrafttredelse**

Forskrifta trer i kraft *dato*.



langtidsopphald i sjukeheim, men som har fått **vedtak om avslag på langtidsopphold**, jf. Forskrift om rett til langtidsopphald i sjukeheim – kriteriar for tildeling og venteliste, Fyresdal kommune.

[illegible]